

imperialis, quibus si cetera hanc inhibitionem fecerint, fiat autoritate huius decreti ac sententiae ipso facto privati, & alias iuris incurraut poenas, ne eidem Petro de Luna schismatico & haeretico incorrigibili, notario declarato & deposito, tanquam papae obediant, pareant, uel intendant, aut eum quouis modo contra praemissa sustineant, uel recipient, sibiq; praestent auxilium, consilium uel fauorem. Declarat insuper & decernit, omnes & singulas inhibitiones, omnesq; processus & sententias, constitutiones & censuras, & alia quaecumq;, per ipsum factas, & facta, quae possent praemissis obuiare, irritas, irritas, irritas, atq; irritat, reuocat, & annullat, ceterisq; poenis, quas in praemissis casibus iura statuunt, semper saluis.

Hac schedula siue sententia lecta, praedictus Stephanus episcopus Doleus, ex parte ipsius synodi dixit in effectu: Quamuis in processu huiusmodi nullus posset defectus allegari, tamen sancta synodus praedicta ad superabundantem cautelam oes supplet defectus, si qui interuenissent. Ad quae omnia & singula dominus praesidens nomine totius concilii respondit, placet.

SESSIO TRIGESIMA OCTAUA.

**D**IE mercurij uigesima octaua supradicti mensis Iulij, Constantiae in ecclesia maiori fuit sessio publica solemniter celebrata. Et reuerendus pater dominus Nicolaus Assisinatensis missam de beata uirgine Maria celebrauit, reuerendus uero pater dominus Ioannes episcopus Ostiensis sanctae Romanae ecclesiae cardinalis & uicecancellarius, huiusmodi sessioni praesedit: & letanias & alij orationibus & solennitatibus solitis lectis atq; peractis, uenerabilis uir dominus Petrus de Lomburga legit quaedam decreta tenoris subsequentes.

¶ Decretum irritans poenas latas contra ambasiatores Infantis Henrici.

Constantien.  
concilij scilicet.

Sacrosancta generalis synodus Constantiensis in spiritu sancto legitime congregata, ex certis & iustissimis causis eandem sanctam synodum mouentibus, nuper omnes processus tam super proprietate quam possessione, priuationes etiam beneficiorum quae possidebant, & collationes alias de eisdem factas, aut excommunicationis uel suspensionis uel quaecumq; alias sententias, in seu contra uenerabiles fratres & dilectos ecclesiae filios ambasiatores & procuratores charissimi ecclesiae filij Ioannis regis Castellae, consanguineos & familiares eorum, a die primo mensis Aprilis anni domini millesimi quadringentesimi decemsexti, citra factas aut promulgatas, irritauit & cassauit, irritaq; & cassa denotauit, statuitq; & decreuit ambasiatores praedictos, consanguineos uel familiares ipsorum, perinde ad statum pristinum reducendos, ac si priuationes, collationes, processus & aliae sententiae praedictae, latae aut promulgatae minime fuissent, etiam si super processibus, prouisionibus ac collationibus & sententijs praedictis aliquae bullae siue litterae appareant sub anteriori data, quae tamen antedictam non fuerant in partibus praesentatae, & plenariae executioni demandatae. Volens itaq; eadem sancta synodus ex similibus causis mota, dilectos ecclesiae filios Vitalem de Scoto commendatorem de Caranaqua, & fratrem Ioannem de Vergara militem ordinis sancti Iacobi de Spata, ac Ioannem Alphonso baccalaureum in decretis, ambasiatores & procuratores dilecti ecclesiae filij illustris Henrici Infantis Aragoniae, Siciliae &c. ac dilecti ordinis sancti Iacobi de Spata magistrum simili fauore prosequi, ac eadem quo ad praemissa praetogatiua gaudere, statuit & decretum irritationes & cassationes praedictas ad praefatos ambasiatores praedictorum Infantis Henrici & magistrum, & ad consanguineos & familiares ipsorum, decernit perinde extendi, ac si in supradicto decreto aut statuto fuissent unam praedictis ambasiatoribus regis Castellae ac specialiter nominati.

¶ Decretum reuocationis uocum, ambasiatoribus regis Aragonum concessarum,

Sacro